

Uunga siunnersuut: Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarnera nr. xx, xx. xxx 2018-imeersoq (Qinersinermut ataatsimiititaliap katitigaanerata allanngortinneqarnera)
(Aatsitassanut Suliffeqarnermut Nunamullu Namminermut Naalakkersuisoq)

Saqqummiussissut

(Aatsitassanut Suliffeqarnermut Nunamullu Namminermut Naalakkersuisoq)

Siullermeerinnineq

Matumuuna Inatsisartunut qinersisarneq pillugu Inatsisartut inatsisaata nr. 9, 31. oktober 1996-imeersup allanngortinneqarnera pillugu Inatsisartut inatsisaannut siunnersuut manna Naalakkersuisut sinnerlugit saqqummiutissavara.

Kalaallit Nunaanni Kommunit Kattuffiata KANUKOKA-p 2018-imi apriliip naanerani avammut sammisumik suliaqarnerminik unitsitsinerata aammalu kingusinnerpaamik ulloq 31. juli 2018 atorunnaarsinneqarnissaata naatsorsuutigineqarnerata, siunnersuut malitsigaa.

Qinersinermut ataatsimiititaliaq Kalaallit Nunaanni Inatsisartunut qinersisarneq pillugu Inatsisartut inatsisaat naapertorlugu pilersinneqarpoq. Qinersinermut ataatsimiititaliap Inatsisartut, kommunalbestyrelsinut, nunaqarfimmi aqutsisunut aamma ilagiit sinniisaannut qinersinermi suliaassat arlallit isumagisarai. Kalaallit Nunaanni Kommunit Kattuffiani KANUKOKA-mi pisortaq Qinersinermut ataatsimiititaliami ilaasortanut pingasunut ilaavoq. Maanna pisortaagallartoq Qinersinermut ataatsimiititaliamit ilaasortaajunnaareerpoq. Siunnersuut malillugu kommunit kattullutik Qinersinermut ataatsimiititaliami ilaasortamik ataatsimik toqqaassapput. Siunnersuummi siunertaavoq kommunit aamma siunissami Qinersinermut ataatsimiititaliami ilaasortaatitaqarnissaasa qulakkeerneqarnissaa.

Aammattaq Kalaallit Nunaanni Namminersornerup atuutsinneqalersimanerata kingunerisaanik, siunnersuut Inatsisartut inatsisaanni oqaatsitigut allanngortitsinernik imaqarpoq.

Naggataatigut siunnersuut aammalu nassuiaatit tassunga atasut innersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartuni kajumittumik suliarineqartussanngorlugu tunniuppara.